



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

V. De statu dæmonum, quantum ad eorundem pœnam: speciatim qua
ratione, quando, & vbi per ignem puniantur.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

lute, sed in via & agone: dæmones autem iam sunt in termino, vt in simili etiam de bonis Angelis dictum. Quæ ratio etiam redditur in supplemento S. Thomæ q. 98. a. 6. quantum attinet ad poenam essentialē & primariam.

Quod vero ad poenam accidentalem attinet, additur ibidem, dæmones vsq; ad diem iudicij, præserit eos, qui in hoc mundo adhuc versantur, & homines ad peccatum incitant, posse adhuc mereri: quia isti non sunt omnino in termino. Sed reuera pars est ratio omniū: cum omnes absolute & simpliciter sint in termino, adeoq; incapaces meriti. Alioq nulla causa esset, cur non pariter etiā dānati omnes in inferno per sua peccata mererentur. Dicendū igitur tristitia illorū, aliasq; eiusmodi penas varie quidem crescere, sed non ex vi noui, sed præcedentis meriti, vt de beatis quoque diximus loco citato.

D V B I V M VI.

De statu dæmonum, quantum ad eorundem poenam, siue damni, siue sensus, adeoq; ignis; speciatum qua ratione, quando, & ubi haec pena puniantur.

S. Thom. I. p. q. 64. a. 3. & 4.

Cæcitas & oblinatio voluntatis, quam dæmones per peccatum incurrisse, dubio præcedenti demonstratur est, pertinet quidem etiam ad poenam dæmonum; sed quia illa naturæ etiam quodammodo suā, in Angelis peccatū consecuta sunt, & simul non tantū poenæ, sed etiam culpas rationē habent, idcirco de ijs hoc loco amplius non agimus; sed solum de poena essentiali & primaria eorundem, ab ea intellectus & voluntatis depravatione distincta.

In qua re certum est primo, Angelos damnatos pati nunc eternam poenam, eameq; duplēm, nimirum damni & sensus, iuxta communem partitionem æternæ poenæ, quam tradunt Doctores in 4. dist. 44. & 50. & S. Thomas I. 2. q. 87. a. 4. & libro 3. cont. gent. capite 145. & colligitur ex illo Matth. 25. vers. 41. *Discedite à me maledicti, in ignem eternum, qui paratus est diabolus, & angelis eius.* Vbi per priora verba, *Discedite à me*, poena damni, nimirum priuatio diuinæ visionis; per posteriora, poena sensus designatur: siue interim tristitia ipsa, seu dolor mentis, quem Angeli capti ex priuatione beatitudinis, pertineat ad poenam sensus, vt volunt Sotus in 4. dist. 16. q. 1. art. 1. dub. 2. & dist. 50. a. 4. Molina hic q. 64. a. 3. & Vasquez disp. 242. cap. 2. & fauent Bonauentura, Durandus, Paludanus, Capreolus, Gabriel, Bassolis in 4. dist. 22. dum afferunt, poenam damni non recipere magis vel minus; siue spectet ad ipsā quoque poenam damni, vt cum alijs fauente Scoto in 4. d. 50. q. 6. docet Suarez tom. 4. de poenit. disp. 13. sect. 2. num. 17. & hic lib. 8. cap. 5. à num. 4. de quo, cum sit omnium damnatorum eadem ratio, alibi agendum est.

Secundo certum & indubitatū est apud Scholasticos in 4. d. 44. & dist. 50. & in 2. d. 6. & 7. & hic apud S. Thomam cit. quest. 64. artic. 4. ad 3. dæmones aliquo tandem modo torqueri ab igne, & quidem vero, corporeo, ac sensibili; idque patet ex scriptura cit. Matth. 25. vers. 41. *Discedite à me maledicti in ignem eternum, qui paratus est diabolus, & angelis eius.* Item Apocal. 20. v. 9. *Diabolus qui seducebat eos, missus est in flagrum ignis, & sulphuris, ubi & bestia & pseudopœtra cruciabuntur die nocte, in secula seculorum.* Ad quem modum etiam anima epulonis Luc. 16. verl. 24. ait, *Cruor in hac flamma.* Item habet communis SS. Partium sententia.

Ex quibus satis aperte refellitur ea quorundam sententia, quæ docet, poenam ignis, qua dæmones & animæ damnata iuxta scripturam puniuntur, solum metaphorice accipi: nec dæmonum & animarum separatarum aliam poenam esse, quam & poenam damni in priuatione beatitudinis positam, & poenam sensus, ortā ex consideratione illius. Quod præter Philonem lib. de congressu eruditio[n]is, indicat etiam Tertullian⁹ Apologet. cap. 48. & aperte tradidit Origenes lib. 2. Periarchon cap. 20. aut 21. & homil. 9. in diuersos Matthæi locos, & sequutus est postea, præter quodamsectorios nostri temporis, apud Coccum in thesauro lib. 10. aut. 7. Catharinus in lib. de præmijs bonorum & supplicijs malorum; de qua re etiam aliquando dubius fuit Augustinus lib. 20. de ciuit. cap. 16. & lib. 21. cap. 10. & lib. de Genes. ad lit. cap. 32. Et quamvis Vasquez disp. 243. cap. 1. & 2. putet, rem hanc nondum esse de fide certam, Suarez tamen hic lib. 8. cap. 12. n. 3. & 9. vocat hanc, quam docuimus, sententiam certam & Catholicam; & oppositam errorem.

Optime Hugo Victorinus lib. 2. de sacrâ, part. 16. cap. 3. *Verissime inquit, anchoritate sacri eloquij, & Catholicæ veritatis probatur testimonio, corporali & materiali igne, animæ etiam ante susceptionem corporum cruciari.* Quæ vero in contrarium objiciuntur, eorumque solutiones videri possunt apud citatos: siue interim ignis ille sit eiuldem speciei cum nostro saltem impuro igne, vt rectius docent Sotus in 4. dist. 50. & fere Suarez cit. cap. 12. numero 18. siue non. Patres vero sancti secus quandoque locuti, pie sunt explicandi.

Tertio certum est, dæmones (eadem est ratio animarum damnatarum) torqueri ab igne infernali, saltem per alligationem, vti loquuntur; hoc est, eo quod intelligent, se diuina virtute illo velut carcere quodam inuitos detineri, aut fane si adhuc in hoc aere degunt, & nihilominus igne velut carcere cruciantur, eundem ignem sibi etiam deberi, eidemque olim realiter addicendos, vti docet & explicat Sanctus Thomas quest. 64. articulo quarto ad tertiu & fuse lib. quarto cont. gent. capit. 90. & quest. 26. de verit. artic. 1. & quodlib. 2. a. 3. & quodlib. 3. a. 2. & consentiunt Bonauentura, Scorus, Gabriel, Durandus, Paludanus, Maior, Capreolus in 4. dist. 44. Ferrariensis cont. gent. cit. cap. 90. Caietan⁹ hic cit. a. 4. Gregorius de Valentia q. 15. pun. 3. & Vasquez disputatio. 243. capit. 6. &

fauet

fauet Hugo Victorinus epist. ad Thessal. quæst. 4. vbi ait, *spiritus pati ab igne, etiam si ab illo non continentur*. Neque dissentit quoad hoc Suarez lib. 8. cap. 14.

Ratio est; quia hic modus pena & possibilis est; & consuetus etiam in humanis; cum aliquis carcere aut vinculis inuitus detinetur; sive interim ignis ipse effectiue etiā tanquam instrumentum supernaturale Dei ad eiusmodi apprehensionem Angelorum concurrat, qua ignem illum velut carcerem apprehendere cogantur; sive hoc ab ipso Deo immediate efficiatur; sive supposita sententia Dei, qua sit, ut locus ille debetur dæmonibus, hi ipsi per se ac sua natura ignem apprehendantur, tanquam inequitabilem carcerem diuino iudicio sibi debitum, atque hoc ipso etiam aduersantem; etiam si aliqui physice & naturaliter ab eo nihil patientur: sicut accidit, cum aliquis est in sua domo vel horto arrestatus; nam hoc ipso grauis est ipsi & molesta ea habitat; etiam si alias non incomoda esset: quod facile fieri in Angelis ob superbiam & odium, quo aduersus Deum & diuinam voluntatem feruntur, non est incredibile.

His autem suppositis, dubium & controvrum est, an aliqua alia etiam ratione, præter alligationem, dæmones ab igne crucientur; & quandonam ea pena dæmonum, & vbi cœperit. Etenim quod ad primum attiner, sunt vniuersum duas contraria Theologorum sententiae. Prior negat, dæmones alio modo ab igne cruciari, quam per alligationem. Ita significant S. Thomas, Capreolus, Maior, Paludanus, Ferrariensis, Cajetanus, & Thomistæ recentiores locis citatis, dum alios modos affligendi dæmones & animas separatas igni denegant.

Nihilominus altera sententia est communior inter Theologos, dæmones non solum ab igne torqueri per alligationem, sed etiam alio modo: in quo ipso tamen ejdem admodum variant. Primo enim nonnulli etiæ fateantur, alium esse modum, quo dæmones ab igne torquentur, præter alligationem, dicunt tamen, cum modum nobis esse incognitum; nec posse alium in particulari probabiliter assignari; qua de causa etiam eos modos omnes, qui hactenus assignati sunt, particulariter refellunt. Ita Vasquez disp. 243. cap. vlt & fauent Augustinus lib. 12. de ciuitate cap. 10. Hugo Victorinus lib. 2. de sacramentis part. 9. capite 11. & part. 16. capite tertio. Sed sane nulla ratio est, cur non saltem sub disfusione, & in confuso, aliis modis particularis huius penæ probabiliter assignetur; sicut de modo locationis Angelicæ & similibus probabiliter discutimus.

Secundo alij concedunt, dæmones & animas separatas puniri & affligi quidem ab igne etiam effectiue, sed per actionem tamen tantum intentionalem, eo quod ignis in dæmonibus aut speciem sui, aut apprehensionem actualem que sui cogitationem efficiat. Ita generatim sentiunt Albertus in 4. d. 44. a. 20. ad ultimum, Bonaventura in 4. dist. 44. a. 3. q. 2. Richardus a. 2. q. 9. Scotus q. 2. a. 2. Gabriel q. 3. a. 2. Egidius quodl. 2. q. 9.

& quodlib. 4. q. 15. Ockam quodlib. 1. q. 9. Variant tamen inter se. Nam Albertus, Bonaventura, Egidius, Richardus dicunt, igne effectiue demonibus imprimere sui speciem; at vero Scotus, Ockam, & Supplementum Gabrieles docent, ab igne in demonibus effecti ipsu actum intelligendi, si multq; impediri liberam & expeditam aliarum rerum considerationem. Item Bonaventura dicit hoc fieri per naturalem vim & actionem ignis infernalis; alij quoad hoc melius dicunt fieri per virtutem & actionem eius supernaturalem in quantum ignis est instrumentum Dei.

Impugnant hanc sententiam fusc Vasquez disp. 243. capit. 3. & Suarez lib. 8. capit. 13. Mihil ob eam causam non probatur, quod haec ratione, nisi aliquid præterea addatur, non satis defendatur & explicetur magnus ille dolor, quem iuxta sensum Ecclesiæ & SS. Patrum, ipsiusque scripturæ, dæmones ab igne patiuntur; non solum quia species, aut cogitatio ab igne producta, per se non potest affligere dæmones, si alioquin ignis nullo alio modo ponatur demonibus disconueniens; sed etiam quia tametsi hac ratione recte explicetur, dæmonum pena, quam per alligationem ab igne necessario patiuntur, vt superius dictum, alij tamen & maior ille dolor est, quæ dæmones præterea ab igne patiuntur, vt dicimus.

Terrio dicunt nonnulli, ignem cruciare dæmones productione caloris in ipsis. Ita sentire videtur Henricus quodlib. 8. quæst. 35. dum ait, *ignem agere sive in actione naturali in spiritum, ipsum affigendo*. Sed est absurdæ sententia; cum Angelus nec sit capax corpori accidentis; nec ignis naturaliter actius in spiritum; nec calor etiam si in Angelo esset, vllum ipsi per se & sua natura dolorem posset inferre.

Quarto docent alij, dæmones torqueri per qualiam qualitatem spiritualem doloriferam, eorumque substantiam faciunt, supernaturaliter ab igne productam; eo modo, quo corpus animalis per intemperium, aut similem qualitatem ab igne productam immediate torquetur. Ita tradit Suarez hic etat lib. 8. capit. 12. a numer. 41. quem secuti sunt, vt ipse refert, Malonius in 2. dist. 6. disputat. 20. Pesantius 1. part. question. 64. artic. 4. disput. 5. vbi etiam Zumel candem probabilem cenfer. Sed hanc fusc impugnat Vasquez cit. disp. 243. cap. 5.

Mihil idcirco parum probatur; tum quod nouum genus rerum in mundum infert, nec ullum habet in antiquis Scholasticis fundamentum. Tum quia qualitas aliqua non affligit subiectum, nisi aduersetur alteri qualitati naturali eiusdem subiecti, quam expellat; cum tamen haec qualitas non habeat contrarium in Angelis. Tum quia nulla qualitas casat dolorem, nisi quatenus laedit bona temperie subiectum; idque adeo hoc ipso disposit ad corruptionem. Tum quia qualitas spiritualis perficit potius, quam deformat subiectum. Aut enim subiecto naturalis est, & tunc necessario perficiat illud aut supernaturalis; & tunc magis perficiat. Denique difficile est intellectu, in quoniam illa defœdatio naturæ Angelicæ consistat, aut

cuiam

cuinam pulchritudini opponatur: non enim naturali; quia haec manet; nec supernaturali per gratiam; quia tunc esset fæditas culpæ, quam Deus per se non potest producere.

Est igitur quinta sententia, dæmones ab igne affligi eo modo, quo anima corpori iuncta affligitur ab eodem igne, quando corpus viuum comburitur; non quidem quod ignis naturaliter calefaciendo agat in dæmones; vt Henricus dixerat: sed quod obiective soli ad hunc dolorem concurrat. Ita cum Soto in 4. dist. 50. q. vn. a. 2. Gregorius de Valencia q. 15. pun. tertio. Quam sententiam fuse impugnat Vasquez disp. 243. cap. 4. & Suarez hic lib. 8. cap. 14. à numero 24. Mihi hoc solum in ea displaceat, quod ignem solum obiective ad hunc dolorem concurrere assertum, vt dicetur. Ut igitur meam de hac sententiam explicem, pono sequentes assertions.

Assertio I. Ignis alio etiam modo torquet dæmones, & animas separatas, quam per alligationem, aut solum obiective. Ita iuxta ea, qua retulimus, circa primam, secundam, tertiam, & quartam sententiam, habet communior Doctorū veterū & recentiorū sententia, ipsiusq; S. Thome in 4. dist. 44. q. 3. a. 2. qu. 3. etiam si alijs locis, vt vidimus, alter loquatur. Probatur primo ex scriptura, que longe acriorem vim affligendi dæmones, & animas, igni tribuere videtur. Psal. 10. v. 9. *Pluet super illos laqueos; ignis, sulphur, & spiritus procellarum, pars calicis eorum.* Matth. 3. v. 12. *Paleas autem comburet ignis inextinguibili.* Matth. 25. v. 14. *Ite maledicti in ignem aeternum, qui paratus es diabolus.* nimis ad supplicium. Luc. 16. v. 24. *Crucior in hac flamma: nempe per modum adiustonis, cui opus sit refrigeratione, vt ibide subiungitur.* 2. Thessal. 1. v. 8. *In flamma ignis dantis vindictam ijs, qui non noserunt Deum.* Apocal. 14. v. 10. *Cruciabuntur igne & sulphure.* In quibus omnibus locis scriptura loquitur de igne eo modo cruciat dæmones & animas, quo modo solet cruciare homines, quos comburit; quod quidem facit non obiective tantum, sed effectiue.

Secundo idem probatur ex SS. Patribus, qui eodem modo loquuntur. Cyprianus 1. de laud. martyris, cap. 5. *Paradisus Dei testibus florit, negatores gehenna complexa aeternus ignis in ardescit.* Cyrilus Alexandrinus orat. de exit. anim. *Qualis est gehenna ignis inextincti, vrentis, neque lucentis.* Ambrosius in 1. Cor. 3. *Ipse autem saluus erit &c. offendit, inquit, saluum quidem illum futurum, sed penam ignis passum.* Augustinus lib. 21. de civit. cap. 10. ait, *spiritus erucia ab igne, miris, sed veris medis.* Fulgentius de fid. ad Pet. cap. 3. dicit, *peccatores interminabilis gehenna sustinere supplicia, ubi diabolus cum angelis suis in aeternum arsurus est.* Gregorius lib. 4 dialog. cap. 28. *Sicut electos, inquit, beatitudo letificat, ita credi necesse est, quod à die exitus sui ignis reprobos exurat.* Omitto alios.

Tertio probatur ratione. Tum quia alias difficerat explicari posset, quomodo nunc ab igne, dæmones in hoc mundo existentes torqueantur, vt inferius videbimus. Tum quia si ignis, solū p modū carceris apprehensus cruciat, nō cruciabit magis, nec aliter, quā cruciaret aqua, vel terra,

vel aër, si eodem modo diuino decreto ad ea loca velut carcerem damnarentur dæmones. Denique non est conueniens, vt minus ab igne puniantur dæmones, quam damnati homines; qui saltem post resumpta corpora physice & effectiue ab igne cruciabantur.

Assertio II. Non tamen est necesse, vt dæmones & animas separatae ab igne torqueantur effectiue, per actionem ignis physicam, ab intentionali actione distinctam, hoc est quæ alium habeat terminum, quam aliquam specie, aut operationem intelligibilem. Ita contra authores tertia & quartæ sententiaz, sentio cum ceteris. Ratio est. Quia tametsi scriptura & Patres eodem modo loquantur de dæmonibus, & hominibus per ignem gehennæ puniendis; non tamē est necesse, vt omnia verba eadem proprietate, utrisq; applicentur; sed seruata proportione, & iuxta capacitatem uniuscuiusq; subiecti, siue, vt vniuersim loqui solemus, pro diuersitate & ratione materiae subiecta: praesertim quia illa verba aduri, incendi, inardescere, proprie non possunt vlo modo spiritibus accommodari, vt dictum. Tum quia vix etiam fieri posse videtur, vt eomodo dæmones ab igne crucientur, vt ex dictis colligipotest. Accedit quod non minus realiter & proprie torqueantur dæmones efficiendo aliquam operationem mentis, quam aliquem alium effectum, vt dicimus.

Assertio III. Probabilissimi videtur, ignem velut instrumentum Dei, ad eum propemodum torqueare dæmones & animas separatas, non solū obiective, sed etiam effectiue physicæ, sicut anima solet torqueri, dum corpus quod informat, exuritur. Ita sentio cum auctoribus secunda & quintæ sententiaz; quarum vtramq; coniungo; cum per se neutra sufficiat, vt ex dictis colligitur. Actionem vero illam ita explico, quod ignis virtute supernaturali, seu per potentiam obedientiale, velut instrumentum Dei, in Angelis effectiue producat, non quidem specie ignis; hanc enim iam ante habent Angeli; nec istud ad eos inuitos cruciandos sufficeret; cum speciebus huiusmodi vtantur quando volunt: nec solū cogitationem, seu cognitionem ignis; quia etiam hac ratione fere solū obiective, nō proprie effectiue cruciat dæmones; sed ipsū quoq; dolorum Angelicæ voluntatis (neque animalius dæmonū dolor esse potest) seu tristitiam mentis, quæ dæmones & animas separatae immediate & formaliter cruciantur; nonita quidem, vt hic dolor a solo Deo per ignem producatur, cum sit operatio vitalis vitaliter afficiens subiectum, in quo est; sed vt simul producatur ab ipsius Angelii voluntate, sic tamen per ipsum ignem, velut instrumentum Dei ad hunc actum determinata, vt non possit ab eo cessare; etiam se posito ex parte intellectus Angelici omni errore; prævia solum apprehensione ignis, velut mali contrarij & afflictivi, ad eum fere modū, quo affligere solet animam in corpore viuo, quod comburitur: siue interim hec ipsa quoque apprehensio eodem modo per ignem vna cū intellectu Angelico efficiatur, siue eā suppedita, nihilominus aliunde ac magis immediate voluntas ad eum doloris actum determinetur.

minetur. Quæ res non alia indiget probatione, nisi quia & possibilis est, & sufficiens ad eam pœnam ignis declarandam.

17 Altera vero pars de cruciatu per modum combustionis &c. aperte satis colligitur ex scriptura & SS. Patribus, dum vbique fere hoc tormentum ignis per modum adustionis seu concremationis corporeæ & sensibilis explicant: cui proinde recte dicitur hic dolor similis, non similitudine eiusdem rationis specificæ, hoc enim bene refellunt Suarez & Vaquez; sed similitudine proportionis & analogiæ; et si propriam eius rationem in altero extremo, nempe in Angelis, perspectam non habemus. Sicut igitur perspicacitatem intellectus Angelis, eiusque instructionem vocamus lumen, lucem, illuminationem: quia per modum luminis seu lucis se habet; ita ignis infernalis cruciare demones dicitur per modum adustionis seu concremationis, tametsi propriam huius rationem in dæmonibus non cognoscamus.

Quo modo etiam intelligentiam videtur illud S. Augustini citato lib. 21. ciuit. cap. 10 cum ait; spiritus dæmonum, licet miru, veris tamen modis cruciaris ab illo igne. Et lib. 12 de Gen. ad lit. cap. 32. Quamus, inquit, non sint corporalia, sed similia corporibus, quibus anima corporibus existet afficiuntur, seu bene seu male, cum ipsa corporibus suis similes fibimes apparent. sunt & vera latitia, & vera molestia, facta de substantia spirituali: hoc est, de igne, ratione incorruptibilitatis & efficientiæ, quasi spirituali habitu consecuto. Et Gregorius lib. 4. dialog. c. 29. Ignem visibili, inquit, ardor ac dolor inuisibilis trahunt, & per ignem corporeum mens incorpoream etiam incorpoream flamma cruciatu.

18 Ratio est. Quia hoc modo sufficienter explicatur, quo modo ignis infernalis vere cruciet dæmones, non solum obiectu, sed etiam physice, non quidem per productionem alterius immediati obiecti doloris, sed quod etiam aliquanto plus est, per productionem immediatam ipsius doloris. Neque impossibile, vel absurdum est (quod fatetur etiam Suarez loc. cit.) actum vitali partialiter & inadæquate etiam produci à causa extrinseca; cum alioquin etiam naturaliter obiectum per se, aut per speciem, ex communis sententia, vna cum potentia vitali effectu physice concurrat ad intellectionem, vel volitionem.

19 Dices. Dolor ille spirituum, cum sit actus vitalis, debet habere obiectu sibi proportionatum; quod non videtur posse aliud esse, quam dolorifera aliqua qualitas abigne profecta; quia dolor hoc differt à tristitia, quod requirit obiectum, praesens & physice inherens subiecto. Nam ve ait S. Thomas 3. part. quæst. 15. art. 6. obiectum & motuum doloris est lejo sensu tactus percepta, scilicet cum aliquis vulneratur. Obiectum autem & motuum tristitiae est noxiuum seu malum interius apprehensum.

20 Respondeo, S. Thomam loqui de dolore sensibili, qualis non est dolor dæmonum: in quibus aliis dolor, quam voluntatis esse non potest: ad quem proinde etiam sufficit obiectum quodvis vere & realiter eosdem crucians, etiam in ipsis formaliter non inhæreat. Dices; ob-

iectum præsupponitur actu quæ terminat; Ergo etiam dolor dæmonum supponit obiectum doloriferum; at vero ignis, in quantum est producens dolorem, adeoque contrarius voluntati dæmonum, non præsupponitur ad dolorem, sed simili efficit dolorem, dum est ipse dolor; immo potius natura posterioris ignis videtur effici doloriferus, per ipsam productionem doloris. Respondeo, satis esse ut dolor in facto esse, si natura posterior igne cruciantur: siue hic consideretur per modum causa effectuæ doloris, siue per modum obiecti; immo vero etiam eo ipso, quod ignis efficit dolorem, fieri non potest, ut doloriferus est; cum passio nullo modo sit prior actione, etiam secundum rationem, sed potius causitate quadam posterior. Cum quo tamen non pugnat, quin ignis prius ratione efficiat dolorem, quæcum per modum obiecti doloriferi terminet.

21 Assertio IV. Dæmones non minus, quam damnata animæ, poenam ignis (per modum adustionis modo explicato) patiuntur vbique, & passi sunt statim ab instanti sua damnationis seu termini: licet dæmones illi, qui extra infernum adhuc vagantur, ab igne per alligationem, ac veluti per carcaram, propriis lōquendo, nondum puniantur.

22 Priorem partem tradunt communiter Patres & Doctores citati in 4. dist. 44. Speciam glossa in cap. 3. Iacob. Sic gehenna semper ardet, ita dolorib[us] ubique, sit secum fieri tormenta suarum flammarum; que glossa est ab omnibus recepta. In quem sensum etiam S. Thomas generaliter de pena sensus loquens hic cit. q. 64. a. 4. ad. 3. ait: Aliqui dixerunt, usque ad diem iudicii differri p[ro]pter sensibilem, tam dæmonum, quam animarum, & similes beatitudinem sanctorum differre usque ad diem iudicii. Quod est errorem & repugnans Apostoli sententia 2. Cor. 5. Si terrena domus nostra huius habitationis dissolatur, domus habemus in celo. Et alii velocius hoc non concedunt de animabus, concedunt tamē de dæmonibus. Sed melius est dicendi, quod id iudicium sit de damnatu animarum, & malis angelis: sicut idem iudicium est de bonis animaribus, & bonis angelis. Ita S. Thomas. Idem communiter docent Scholastici in 4. d. 44. & recentiores omnes locis citatis, quicquid in contrariu dixerint Bonaventura in 2. dist. 6. a. 2. q. 2. Richardus ibidem q. 1. neque omnino dissentiat Barnes 1. p. q. 64. 2. 4. dub. 4. post Canum, quem refert. Ratio est. Quia cum iam sint in termino, nullaratio est, cur pena essentialis & primaria differatur. Quod si penam ignis aliquam patiuntur, eam utique in primis patientur, quia a loco ipsius inferni independēt.

23 Secundam partem tradit idem S. Thomas cit. a. 4. ad. 3. dum ait: Similiter dicendum est, quod dæmones licet non aet[er]na alligentur gehennal igni, dum sint in aere isto caliginoso, tamen ex hoc ipso, quod sicut illam alligationem fieri debet, eorum pena non diminuitur. Idem expresse docet Toletus Luc. 8. annotat. 63. vbi ait dæmonibus iam esse inflictam essentiam p[ro]p[ter]am damni & ignis aeterni; p[ro]p[ter]am autem incarcerationis nondum efficiatam, sed retrauersa in diem iudicii. Idem assertit Suarez hic lib. octauo cap. 14. à numero 17. eodemque modo intelligi potest, quod nimis absolute dixit Caicetus 2.

Pet. 2. dæmones adhuc non esse extremæ damnationi subiectos, sed hoc extremo iudicio reseruari.

Probatur ex scriptura, quæ satis aperte docet, dæmones in hoc mundo existentes, reformatum detrusione ad inferos, utique tanquam incarcerationē, & violentam alligationē. Vnde Matth. 8. v. 29. dicitur, *Venisti huc ante tempus torquere nos.* Et Luc. 8. v. 28. Legio dæmonū rogabat Christū, *Observo te ne me torqueas.* Et mox vers. 31. *Rogabant illum, ne imperaret illis, ut in abyssum irent.* Et Petrus 2. epist. cap. 2. vers. 4. describens poenam alligationis dæmonum: *Deus Angelus peccantibus non pepercit, sed rudentibus inferni detractos, in tartarum tradidit cruciandos.* Et similia leguntur Apocal. 20. vers. 1.

Idem ex Patribus docet S. Ambrosius in Luc. 8. *Dæmones, inquit, ante tempus debitisibi tormenta formidant.* Similia habent Chrysostomus homil. 19. in Matth. & Euthymius in Matth. 8. Ratio est. Quia poenam incarcerationis proprie loquendo nemo dicitur pati, nisi quando quis re ipsa & actu est incarceratus; ea vero poena, quæ ex sola imaginatione futuri carceris concipitur, proprie non est ipsa poena incarcerationis.

Nec probabile est, quod dixit Malochius 2. dist. 6. disputat. 2. sect. 2. ad 8. dæmones vbiunque sint, portionem quandam ignis secum circumferre, ut post Egidium in 2. d. 6. quæstio. 2. artic. 2. & Argentinam in 4. d. 44. quæstion. vn. a. 4. recte Suarez lib. 8. c. 16. n. 25.

Et quamvis S. Thomas loc. cit. significet, non tamen ideo minus puniri dæmones; verius tamen videtur, quod Patres indicant, & sentiunt Toletus & Suarez, aliqui citati, poenam, quam ex apprehensione ignis velut futuri carceris sentiunt, nondum esse tantam, quanta ent in inferno; vt quid enim alias tantopere infernum formidarent? Recte quidem igitur dici potest, dæmones in hoc mundo pati poenam similem alligationis poenæ, & quæ eo etiam referatur; at vero ipsam poenam alligationis proprie necdum patiuntur. Sicut etiam damnatarum animarum dolor, post extreum iudicium, cum resumperint corpora, auctior fiet.

Assertio V. Dæmones magna quidem ex parte poena, quas diximus, in ipso inferno damitorū patiuntur; non tam omnes, sed multi adhuc liberi in terris vagantur. Ita S. Thomas hic q. 64. a. 4. idemq; & Doctores alij in 4. d. 44. Et prior pars, etiam si oppositū indicare videatur Augustinus lib. 11. de ciuit. c. 33. & 20. de ciuit. c. 14. facit patet ex scriptura Ilat. 14. v. 11. *Detracta est ad inferos superbia tua.* Et v. 15. *Veruntamen ad infernum detraheris, in profundum lacis.* 2. Pet. 2. v. 4. *Angelis peccantibus non pepercit Deus, sed in inferni rudentibus detractos in tartarum tradidit cruciandos.* Eodemq; modo facile explicari potest illud Iuda. v. 6. *Angelos qui non servaverunt suum principatum.* &c. in iudicium magni diei vinculis aeternis sub caligine reseruantur. ut pluribus persequitur Suarez lib. 8. cap. 16. a. n. 5.

Idem significatur Apocal. 20. v. 1. *Et vidi Angelum ascendente de celo, habente clauem abyssi & catenam magnam in manu sua.* Et apprehendit Draconem, serpen-

tem antiquum, qui est diabolus, & satanas, & ligavit eum per annos mille; & miserum in abyssum, & clausit, & signauit super illum, ut non seducat amplius gentes, donec consummaretur mille anni: & post hac oportet illum solui modicote tempore. Quod de Luciferi alligatione, facta post Christi passionem, vsq; ad postrema tempora ultimo iudicio, ppter quinque intelligendū, ut communiter explicant Interpretes. Idē sāpe docent SS. Patres.

Ratio est. Quia cum infernus sit proprius locus damnatorum, ac dæmonū, vt constat ex Matth. 25. v. 41. ipsique dæmones iam sint damnati, non min' quā animē impiorū, nulla causa erat, cur omnes in hoc aere liberi relinquerentur; cū ad tentados homines pauciores aliqui sufficient: quando dæmonum numerus longe maior videtur, quam sint omnes homines simul viuentes.

Altera pars est extra controvèrsiam, & patet ex scripturis passim, præsertim precedente assertione adductis; quib⁹ accedit, quod Marci ultimo datur potestas eiendi dæmonia; item quod Apostolus ait Ephes. 6. v. 12. *Non s̄t nobis colluctatio &c.* item 1. Pet. 5. v. 8. *Aduersari uester diabolus tanquam leorugens circuit.* &c. Nec obstat illud Ioañ. 12. vers. 3. *Nunt princeps huius mundi circuetur foras.* Nam hoc vel intelligendum est, de redēptione per Christum facta, qua genus humanum ipse ex potestate diaboli eripuit, aut de ipsa persona Luciferi ad inferos detrusa, ibidemq; alligata, utque ad nouissima tempora Antichristi, iuxta Apocal. 20. v. 3. & 9. vt post S. Gregorium lib. 4. Moratione c. 13. vel 12. recte Ribera & Viegas ibidem.

Ratio conuenientia, quam attingit S. Thomas cit. q. 64. a. 4. est. Quia cum secundum consuetum diuinæ Prudentiæ modum, inferiorum bonum per superiora procuretur: ea vero procuratio boni aduersus homines duplex sit, nimirum directa, quæ sit per bonos Angelos; alia indirecta, in eo posita, quod homines exercentur impugnatione aduersaria, conueniens fuit, ut hæc procuratio per malos Angelos fieret, ne penitus post peccatum ab utilitate naturalis ordinis exciderent. Quo sit, vt dæmonibus duplex locus penalis debeatur; unus quidem ratione culpa, & hic est infernus; alijs autem ratione exercitationis humanæ, qui est caliginosus hinc aëris; donec post iudicium extreum omnes mali, tam homines, quam Angeli, ad inferos re ipsa detrudentur; sicut tunc boni omnes ad caelos euehentur.

Et valde probabile est, quod docent Magister in 2. d. 6. Egidius ibidem a. 2. Bonaventura a. 2. q. 100. m. vlt. a. vlt. & Suarez c. 17. n. 2. nullos dæmones esse perpetuo inferno alligatos, (excepto Lucifero vt dictum) nec alios ppter esse in hoc aere; sed mutatis quasi vicibus, eosdem modo hic, modo in inferno esse; non quidem quasi cum vincuntur à Sanctis, ad inferos abducantur, vt dicit Origenes homil. 15. ad c. 12. Ionæ, contra Matth. 4. & 12. sed prout vel princeps ipsorum ordinat, vel Deus interdum per bonos Angelos, aut ministerium Ecclesiæ disponit: cum alias ex æquo omnibus infernus debeatur; quicquid in contrarium dixerit Canus.

An vero dæmones simul etiam capaces sint ali-

cuius delectationis, disputatur inter Vasquez disp. 242. c. 3. & Suarez hic c. 15. Breuiter dico, nullam vñquam veram delectationem, sed solum phantasticam & affectatam esse in dæmonibus, prout homines perniciaces, amaritudine repleti, ostentant nonnunquam lætitiam, quam non habent. Ita docent S. Thomas in 4. diff. 45. q. 1. a. 2. quæstiun. 1. Gabriel in 2. d. 7. q. 1. a. 3. Ockam, in 2. qu. 19. & Vasquez loc. citat. et si contrarium sentire videantur idem S. Thomas hic. q. 46. a. 3. ad 1. cum Augustino lib. 2. de Genef. cont. Manich. c. 17. & Alensis 2. part. q. 100. m. 4. a. 1. & 2. & Suarez loc. cit. Ratio est, quia iuxta Aristotelem 7. Eth. cap. 14. Omnis voluptas vehemens pellit dolorem: Ergo etiam dolor vehemens pellit & impedit voluptatem seu lætitiam; et si non impediat desiderium, sed potius accendat. Atque hæc de pœna dæmonum satis.

D V B I V M VII.

De prauis dæmonum studijs & infestationibus, ad homines seducendos & perdendos: speciatim an dæmones absque speciali permissione Dei, siue p[er] se, siue per striges, maleficosque homines, nocere hominibus possint.

S. Thomas 1. p. q. 64. a. 4. & q. 114.

DE hac re solum generatim & breuiter agit S. Thomas q. 64. a. 4. ex instituto vero & particulatum q. 114. Nos supponimus id veluti principium, quod dubio præcedenti docuimus; dæmones quosdam ex diuinæ prouidentia dispositione in hoc mundo inter homines degere, partim v[er]dum Deo permittente, ijs tentandis & exercendis operam ponunt, bonum eorundem, Deiq; gloriæ veliniti, & quasi præter intentionē p[re]curent & promouent, vt pluribus disserit Chrysostom⁹ homil. 1. ad populu & p[ro]sequitur Barradius lib. 2. concord. c. 8. & seq. partim etiā vt veluti ministri diuinæ iustitiæ, homines obsua peccata castiget & puniant; quod Deo etiā non unquā p[re]cipiente & direcete volente facere possunt, in ijs p[ro]enies exequendas, qua p[ro] se culpa vacant, vt bene declarat Suarez hic 1. 8. c. 20. n. 7. & 8. Vnde Beda 1. var. q. q. 9. Quoties, inquit, Deus quocund[am] flagello huic mundo irascitur, ad ministerium vindictæ d[omi]ni (mali) mittuntur: qui tamen diuina potestate coerentur, ne tantum noceant, quantu cupiunt. Hoc principio posito, r[es] h[ab]et omne aliquot quæstiun. breuiter explicabimus.

Primo igitur quæritur, vtrum omnes dæmones promiscue ad tentandos homines in hac vita incubant. Respondeo breuiter ex dictis dub. p[re]c. immedie ac per seipso non tentare, nisi eos, qui in terra seu ære inter homines degunt; quod quidē contingit non omnib[us] simil, nec determinate ac p[er]petuo certis quibusdā, sed alternatis quasi vicibus, modo his, modo alijs; hoc solum excepto, quod suprem⁹ Lucifer in inferno vsq; ad tempora

Antichristi alligatus creditur, iuxta Apocal. 20. At vero mediate & consilio atq; hortatione credibile est, omnes pariter ad seducendos homines operam conferre: cum id & facile possint, & ob suum, quo erga homines feruntur, odium & inuidiam, vtique etiam velint.

Secundo quæritur, vtrū inter dæmones, quo ad homines tentandos, sit aliqua subordinatio, ita vt alij aliorū iussu & aueritate hac in re ducatur. Respondeo cum S. Thoma q. 109. a. 2. Guilielmo Parisiensi 2. part. de vniuer. p. 2. c. 14. 15. 16. & Magistro, & comuni Doctorū in 2. d. 6. sententia, quā bene explicant Gregorius de Valentia disp. 8. q. 4. pun. 3. & Suarez hic l. 8. c. 2. 1. esse plane inter dæmones aliquā prælationem, fundatam quidem in ipsa corundē natura, prout alij alijs secundum speciem sunt superiores; sed quæ tamē tum ex voluntario corundē consensu, tum etiam ex ipsa ordinatione diuinæ prouidentiæ ac sapientiæ, partim id permittentis, partim etiā ad bonum finem ordinantis ac dirigenis eam subordinationem, cōpletatur & perficiatur. Hoc significatur à Christo Luc. 11. v. 17. *Omne regnum in seipsum diuisum defolabitur.* Et si satanas &c. Et ab Apostolo Ephes. 6. v. 12. inter dæmones referuntur principatus & potestates, quibus 1. Cor. 15. v. 24. adduntur virtutes, vbi dicitur: *Deinde finis: cu[m] tradideris regnum Deo & Patri, cu[m] evacuaueris omne principatum, & potestatum, & virtutem, vbi glossa ordinaria: quandum, inquit, durat mundus, Angelis præsunt, dæmones dæmonibus, homines hominibus, ad utilitatē viuentium, vel ad deceptionē; sed hominibus collectu, iam omnis prælatio cessabit, quia necessaria non erit.* Et Augustinus 83. q. 69. ait: *Euacuando omnem principatum & potestatum, manifestari & omnibus notis fieri, nullum principium vel potestatum, siue celestium, siue terrestrium, per se habuisse aliquid principatus vel potestatis, sed ab illo, ex quo omnia, non solum vi sint, verum etiam vi ordinata sint.* Et ratio est. Quia prælatio inter naturas species distinctas, & ex se inuicem sua natura pendere aptas; fundatur in ipsa præstantia naturæ, secundum quam inferior à superiori dependet; hæc autem diuersitas naturarū conuenit Angelis, tam bonis, quam malis, vt dictū q. 1. dub. 1. Ergo. Qua ratione etiam S. Thomas loc. cit. sentire videtur, ex ipsa quoq; præcise natura rei, atque in omni statu, Angelos inferiores fuisse superiorib[us] subiectos: quod tamen negat Suarez cit. capit. 2. 1. num. 14.

Sane quia Angelii mali ab initio motioni Luciferi se peccando submiserunt, tum etiam vt post lapsum eorum regnum in ordine ad seducendos homines stabile esset, valde credibile est, inferiores etiam voluntarie consenserit in prælationem superiorum; et si nec dubiu, quin in ipsa executione, pro libertate arbitrii sui, s[ecundu]m etiam reluctentur, vt recte Valentia loc. cit. præterquā quod diuinæ prouidentiæ ordo ad bonum finem hæc omnia ordinantis non permittit, vt suo arbitratru singuli ad hæc studia ferantur: et si quidem positiue etiam nō velit aut intendat, vt inferiores superiorib[us] in prauis eiusmodi studijs & p[re]curationibus obtemperent; quia malū velle non potest.

Sed nec Deus ipse, ob eandem causā, positiue

inter